

Ninsaal yel-segdı noy gānegr sebre (yuumd 1948)

Keoogre

B wilgame tı ninsaal buud fāa tara a burkīndlim la a yel-segdı tōod sēn pa yūd a to, tı b pa tōen n dık tōod-bāmb n koos bı n tek a badawā, n yaa dūni wā bāan gāaga, ned fāa sēn so a vum tı yembd kaala, la wēg-taab kaalem dūni wā pugē yēgrā.

B wilgame tı ninsaal sēn da tog ne yel-segdı ninsā kaalmā waa ne bi-beelem la pāng buud toor-toor sēn sām dūni wā zāng sūuri, la b yākamen moon tı dūni ning sēn na n wa zīnd-a tı ninsaalbā na n wa so b mense, n tōe n gom b sēn date, n tē b sēn date, n wa yi rabeem, yaesg la far buudā fāa pugē wā, n yaa ninsaal sēn baood ne a sūur fāa n yūdā.

Tı sēn yūd fāa yaa tı ninsaal yel-segdı wā tog n paamame tı b koglg-b ne noy buud sēn na yıl tı ned ra wa bao a sēn na maan n pōs pān-wōrdem b sēn maand-a n kong n wēneg n kē wēnem maan n lebs pugē wā.

D sēn mi tı segdame tı d keng tēms ne taab zood yōkr zīndgrā.

D sēn mi tı nasōzini (tēmsā fāa lagem-n-taar kāsengā) le mooname n wilg b tēeb ninsaal burkīndlem la a tırlēm pānga, pag la rao yel-segdı sēn zem taabā, tı b le wilgame tı b ratame n mao n paas ninsaalbā vum sōmblem tı yı ned fāa sēn so a meng vumē wā tı yel kāng pāng yug a pīndā.

D sēn mi tı tēms nins sēn be nasōzini lagem-n-taarā pugē lagma ne lagem-n-taarā n nk sard n na n sōng tı dūni wā pugē bı ned fāa tū ninsaalb yelsegdı wā sēn gāneg noy ninsā.

D sēn mi tı ninsaal yel-segdı noy bāmba gānegr sā n yı lagem-n-taarā ne a kēedbā n na n naag taab n maan-b n na n sōng tı b tūubā yı sōma wā.

Pipi koεεga.

Ninsaalbā fāa sā n doge, ned fāa so a menga, ned pa rogd n yaa yamb ye, nebā fāa zema taab b yel-segdı la b burkīndlem wεεngē. Nebā fāa tara yam la tagsgo, ned fāa togame n vund ne a to saam-biir pugē.

Koεεg a 2 soaba.

Ned fāa tara sor n tōe n dı seb-kānga sēn gāneg noy ninsā yōodo tı bakr buud ka zīnd ye, pa tūus f sēn yaa buud ning ye, f yīng kōbg sēn ya-a soab ye, f yaa pag bı rao ye, f wēnd-sor sēn ya-a soab ye, f sēn yāk n tik politik ninga, bı tēeb buud a to ye, f tarem sēn ya-a soab ye, f sēn dog ne b rāmb ye, bı būmd buud a taab sēn bakd ye.

Sēn paasde, pa tōe n tik ned tēng politik neng sēn ya-a soab n bak a soab noy-bāmbā yōod rıub wεεngē ye, pa tūus tēngā sā n so a menga bı a sā n be zamaan a to yembdē.

Koεεg a 3 soaba.

Ned buud fāa tara sor n tōe n vunde, n soog a menga la a gūnug a menga.

Koεεg a 4 soaba.

Pa tog n dık ninsaal buudā fāa n maan yamb ye bı n weoog-a ye. Yembdā ne nebā koosgā gidgame, ba sēn wa n ya yembd buud nin fāa.

Koεεg a 5 soaba.

Pa tog n sɪbg ninsaal buudã fãa ye, pa tog n sɪbg ninsaal tɪ sɪbgrã yɪ toog wosgo, tɪ pa sɛn na maan ninsaal ye.

Koεεg a 6 soaba.

Ned fãa tara sor tɪ sɛn wa n ya sɪŋg ning fãa, bɪ b sak n deeg a sɛn yaa ned ning buud bu-kaoor soog taoore.

Koεεg a 7 soaba.

Ninsaalbã fãa zema taab laloa taoore, b fãa tog n paama laloa wã koglgɔ tɪ bakr ba a ye pa zɪnd ye. Nebã fãa tara sor n tõe n paam tɪ b koglg-b ne bakr buud fãa sɛn na n wa maan n kɪs seb-kãnga noy wã sɛn gãnegã, ne bũmb nins sɛn na n wa ne bakr-bãmba.

Koεεg a 8 soaba.

Ned buud fãa tara sor n tõe n kɛng a tɛngɛ buud soog taoore n tɪ bu ne weoogre, sɪbgr buud fãa b sɛn maan-a, tɪ ninsaalb yel-segdɪ sebrã gɪdge, tɪ laloa mi tiiri.

Koεεg a 9 soaba.

Pa tar sor n tõe n yõk ned zaalem, n pag-a roogo bɪ n yiis-a a tɛngɛ n tɪ ning zɪŋg a to tɪ laloa zɪ tiir ye.

Koεεg 10 soaba.

Ned buud fãa tara sor wa laloa sɛn wilgã, t'a yell ta bu-kaoodb sɛn so buudã, n tõe n kao tɪ pãn-dãmb ka lob b toogo, la sɛn buud sɪd taoore, tɪ b bu nin-buiid taoore n wilg a yel-segdɪ bɪ a tɪlae-yɛla, bɪ n wilg b sɛn yet tɪ yɛnda soabã maana bũmb ningã kongr sɛn taẽ.

Koεεg 11 soaba.

B sã n yeel tɪ ned maana bumb sɛn kis n dat n paalg-a, sã n pa b wa n bu-a lame tɪ buudã yɪ neb fãa taoore, t'a paam sɔangd sɛn mams n paas a poorẽ fãa, ket n ya wa yɛnda soabã pa maan bũmbã ye.

B pa tõe n bu ned n paalg-a bũmb a sɛn maan bɪ a sɛn pa maan yĩnga, sã n mikame tɪ yellã sɛn maanã wakato, buud soog nengɛ yel bãmba ra pa kis ye. Sɛn paasd me, b sã n bu yellã, b pa tar sor n tõe n kõ ned ning sɛn maan-a yellã sɪbgre tɪ yɪg yellã sɛn maanã sasa laloa sɛn da gãneg sɪbgr buud nins yel-bãmb wɛengɛ wã ye.

Koεεg 12 soaba.

[Missing]

Koεεg 13 soaba.

Ned buud fãa tara sor n tõe n gõ a tɛngɛ, n kɛng zɪis nins fãa a sɛn date, la a yãk a sɛn dat n zɪndẽ.

Ned buud fãa tara sor n tõe n yi tɛngɛ n lebg n wa a meng tɛngɛ, a le tara sor n tõe n yi a meng tɛngɛ n kɛng tɛn-taaga la a le lebg n wa a tɛngɛ.

Koεεg 14 soaba.

Ned sã n wa be toog zug têngẽ tı b namsd-a wosgo, a soab tara sor n tõe n yi n bao gãag-sobend tẽms a taabẽ, a le tara sor n tõe n paam tı b reeg-a tẽn-bãmbẽ.

La sã n mikame t'a sẽn maanã, laloa gıdgame tı b mik tı yaa sıda, bı sã n mikame t'a sẽn maanã pa zems ne nasõzini (tẽmsã lagem-n-taar kãsengã) sẽn gãneg noy ninsã, a pa tar sor-kãng ye.

Koεεg 15 soaba.

Ned buud fãa tara sor n tõe n paam têng-n-biilim tika.

B pa tar sor n tõe n wõr ned n menes a têng-n-biilim ye, b le pa tõe n gıdg-a t'a ra teem a têng-n-biilim ye.

Koεεg 16 soaba.

Pag ne rao yoomd sã n ta kãadem b tara sor n tõe n kẽ kãadem la b tilg yir tı pa tũus b yiibã buud sẽn ya-b rãmba, b têng-n-biilim bı b wënd sor tũudum. Kãadmã kẽesg noy pugẽ, b yiibã yel-segdı yaa a ye, pa yıd to ye, kãadmã vum wakato la a kaoob wakat me b yel-segdı wã ya a ye.

Kãadem pa tõe n kẽes tı pa tũ ne kãad-ratbã sakr sẽn pa tũ ne modgr ye.

Zak yaa têng yẽgre (têng bõn-bulli). A yaa têng vum sũuri. Têngã neb togame n koglg-a, goosneerã (leta wã) togame n koglg-a.

Koεεg 17 soaba.

Ned buud fãa, f ya f ye bı f bee sull pøga, tara sor n so a bũmbu.

B pa tõe n wõr ned n deeg a sẽn so ye.

Koεεg 18 soaba.

Ned fãa tara sor n tõe n tags a sẽn date, n bugs a sẽn date la a tũ wënd-sor ninga a sẽn date. Sor-kãng a sẽn tarã wængẽ a tõeeme n teem wënd-sor n tũ bı n teem tõebo a le tõeeme n wilg a wënd-sor bı a tõebo ne kaorengo, maana maanego tı yı yẽnda a ye bı n naag ne a taaba tı yı neb soka bı bãmb bal ne taaba.

Koεεg 19 soaba.

Ned buud fãa tara sor n tõe n tẽ a sẽn date la a gom a sẽn date, rẽnda n kıt tı ned pa tog n zoe rabeem ne a tõe wilgri, la a tar sor n tõe n bao n bãng kibay la a paam kibay n tall-b n piuug zĩg fãa n pa ges tẽmsã tods ye, tı yı ne rabay buud fãa a sẽn date.

Koεεg 20 soaba.

Ned buud fãa tara sor n tõe n paam n maan tigsga la lagem-n-taar sull sẽn pa tar yela (sẽn pa na n wa ne gudgri).

B pa tõe n modg ned ab a ye t'a kẽ lagem-n-taar pugẽ ye.

Koεεg 21 soaba.

Ned buud fãa tara sor n tõe n ning a toog a tẽng vum tũmẽ, a tõeeme n maan tũmd a toore bĩ tũ ne neb b sẽn yãk tĩ b let lagem-n-taara sull n tũmdẽ, tĩ nin-bãmb yãkrã yaa sẽn maan tĩ pa tũ ne modgr ye.

Nin-buiidã sẽn dat bũmb ninga la tẽngã zãab tũm tikda.

Nin-buiidã raabã wilgr tog n tũu ne vot sẽn na n maan tĩ zãmb ka zĩnd ye, votã me tara wakat sõor n tog n le maane, votã tõeeme n maan tĩ yĩ nin-buiid vote, bĩ guls n vot buud a to sẽn wẽnd wa bãmba sẽn maand tĩ ned fãa tõe n yãk a sẽn dat-a soaba.

Koεεg 22 soaba.

Ne buud fãa, a sẽn yaa nin-buiidã ned a ye wã yĩnga, a toga ne ninsaalb yel gesg soogã sõngre. Sõngrã yaa arzeka, vum sõmblem la rog-n-mik wεεngẽ sẽn yaa tĩlae ne ninsaal burkĩnd la a tĩrlem baoobo, a mengã yidgr yĩnga, sẽn na n tũ ne tẽnga meng tũmde n paas tẽms ne taab lagem-n-tũm pãng tĩ zems ne tẽng fãa tũm yõgeng sẽn ya to-to la a laog sẽn zem tẽka.

Koεεg 23 soaba.

Ned buud fãa tara sor n tõe n paam tũmde, n tõe n yãk a sẽn dat tũmd ninga tĩ tũ ne tũmdã kũun sẽn na n maan tĩ wẽgb pa zĩnd ye, la b koglg-a ne tũmã kaalem.

Nebã fãa tog n paama yaood sẽn zems ne b sẽn maan tũmd ningã tĩ wẽgb ka ye.

Ned ning fãa sẽn tũmd-a toga ne yaood sẽn zems a sẽn maane, ti sẽn paamdã sek yẽnda ne a zak rãmb vum tĩ yĩ burkĩnd pugẽ, tĩ sã n mik tĩ segdame; bĩ a paam tĩ b paas-a sõngr buud a taaba.

Ned buud fãa tara soor n tõe n naag neb a taaba n lulg sẽndika sulli (tontũmdb sõngr sulli) sẽn na kogend tontũmdbã nafo.

Koεεg 24 soaba.

Ned buud fãa tara sor n tõe n paam vuusem la yõ-noogre, bũmb zãng la tũmã wakat sõor tẽk wilgri n paas vuusem. Vuusmã geendame n tar wakat-wakato, vuusmã sasa b tog n yaoa a soaba.

Koεεg 25 soaba.

Ned buud fãa tara sor n tõe n paam tarem sẽn na n sek a meng la a zak rãmb laafi la b vum sõmblem baoobo, bũmb zãng la rĩbã wεεngẽ, yeelgrã (futã), zĩ-gãadgã, tĩbsgã n paas vumã sõmblem baoob tũm nins sẽn segd-b ne yẽ wã. A sã n wa pa tar tũmde, a sã n wa bẽedẽ, a sã n wa lebg kamsa, a sã n wa lebg pug-kõore bĩ ra-kõore, a sã n wa kuule bĩ bũmb buud a taab sã n wa kit t'a pa le tõe n dũlg la a ges a meng yelle, tĩ yaool n pa tũ ne yẽnda a maan tĩ yellã paam-a, a togame n paam sõngre.

Biig pug sasa la a yãadem wakato, a tara sor n tõe n paam sõngre la koglgõ. Kamba fãa, f roga kãadem pugẽ tĩ b rogame tĩ b ba rãmbã pa kẽ kãadem ne taaba, b fãa segda ne sõngre.

Koεεg 26 soaba.

Ned buud fãa tara sor n tõe n paam kaorengo. Kaorengã tog n yũ zaalem, ba tĩ na yĩ yãadmẽ kaorengã (kaoren-singã). Yaa tĩlae tĩ kambã paam kaoren-singã. Tũm-minim la nus tũm zãmsg kaorengã togame n piuugi. Karen-do bedã kaorengã tog n

maaname tı neb nins fãa bãngr sên sek be taabã paam n kễ tı zãmb pa zĩnd ye.

Kaorengã sên tog n gễeg bũmb nins yaa ninsaal mengã yidgri la ninsaal yel-segdı noy sebrã tũub pãng paasgo. Kaorengã togame n sũng tı tễmsã ne taab wum taab moore, buudã toor-toorã bı wẽnd-sor tũudum toay-toayã wum taab moore, tı sull fãa sak a to sên yala la b yỗg taab zoodo. A togame yasa n sũng tı nasỗzini (tễmsã ne taab lagem-n-tay kãsengã) tũuma kễng taoore, sên na yil ti bãana gãand dũni wã pugẽ.

Ba rãmbã n yaa pipi n tar sor n tõe n yãk wubr ning buud (kareng ning buud) bãmb sên dat tı b kambã paame.

Koεεg 27 soaba.

Ned buud fãa tara sor n tõe n ning a meng nin-buiidã rog-n-mik sull tũumẽ (vũmẽ), n rı tũum-minmã bãngr yỗodo la a naag n tum bãngrã baoob tũumẽ wã la a paam n dı tũum bãmba sên wat ne yỗod ninsi.

Ned fãa tara sor n tõe tı b koglg a bãngr yỗodo la a bãngr teedo, tı yaa sebr la a guls yã, bı yaa te-naands la a maan yã.

Koεεg 28 soaba.

Ned buud fãa tara sor n tõe n dat tı bãan zĩnd nebã ne taab suk tễnsẽ wã, la tễnsã ne taab soka, tı seb kãnga sên wilg yel-segdı ninsã tỗog n paam n yı sıda

Koεεg 29 soaba.

Ninsaal tara tılae-tũum ne a neba (a nin-buiidu), bala a mengã yidgr pa tõe n maan tı pa yı na a nebã pugẽ vũm ye.

Ned yel-segdı tũub pugẽ, la a sên tar sor n tõe n maan a sên datã wεεngã, ned fãa toaag sên tekẽ yaa laloa sên wilg bũmb ninsa, sên na yıl n sũng tı ned fãa bãng a to yel-segdı la a sên tar sor n tõe n maan a yam. Sên paasd me, yaa sên na yıl tı b tỗog n tũ ninsaal vũm sỗmblem noy wã, ninbuiidã vũm noy wã tũubu la nebã fãa vũm sỗmblem baoobo, sã n yaa tễng zãab buud ning sên ya nin-buiid naam n zãad-a wã.

Yel-segdı bãmbã la maan-m-yam bãmbã pa tõe n dık n maan tı pa yı wa nasỗzini sên gãneg noy ninsã sên datã ye.

Koεεg 30 soaba.

Seb-kãngã gomd ba a ye pa tõe n wa rık t'a yı wa tễng a ye, goosneer a ye bı ned a ye yell ye, t'a soab tik rẽnda n dat n maan bũmb sên na yıl n sãam yel-segdı la maan-m-yam nins sebrã sên gomd-b rãmb yellã ye.